

Омонатга хиёнат



11:17 / 30.10.2018 7621

Аллоҳ айтади:

“Биз омонатни осмонларга, ерга ва тоғу тошларга күндаланг қилган эдик улар буни күгаришдан бош тортдилар ва ундан қўрқдилар. Инсон эса уни ўз зиммасига олди. Чунки у (ўзига) зулм қилгувчи ва нодондир”. (Аҳзоб сураси, 72-оят.)

Бу оятдаги **«омонат»**дан мурод – Аллоҳдан қўрқиш кераклиги ва **«савоб олиш»** ёки **«жазога қолиш»** каби нарсалардир.

Қуртубий дейдики:

- Оятдаги «Омонат» калимаси барча диний вазифаларга оидdir (Аксар олимларимизнинг фикри ҳам шу).

Баъзи олимлар дерки:

- **Омонатнинг Осмонга ва Ерга топширилиши** бу – бир тамсил. Унинг шарҳи шундайдир:

- **Осмон** ва **Ер** шу қадар катта бўлишига қарамай, агар **Омонат**, яъни **Илоҳий амрлар** уларга юкланса эди, оғирлик қилган бўларди.

Омонат сўзи **Иймон** сўзидан ясалгандир. Аллоҳнинг амрларидан ташкил топган омонатни кимда-ким яхши муҳофаза қилса, Аллоҳ ҳам унинг иймонини яхши муҳофаза қиласди. Шунинг учун ҳам Расууллоҳ шундай марҳамат қиласдилар:

- Омонатни яхши сақламаганнинг Иймони йўқдир. Аҳдида турмаганнинг дини йўқдир.

Пайғамбаримиз саллоллоҳу алайҳи васаллам айтдилар:

“Мўмин хиёнатсиз ва ёлғонсиз гўзал феъл-атворга эга бўлади, ишларида хиёнат ва ёлғондан бўлмаслиги керак, деган илоҳий низомга итоат этади. Умматим омонатни ғанимат билмайди, (яъни ўлжа деб қабул қилмайди) садақани мажбурлаб олмайди - шундай қилгандагина хайрли йўлда юрган бўлади. Сизга омонатга берилган омонатни қайтариб беринг. Хиёнат қилганга хиёнат қилманг”.

Бухорий ва Муслим ривоят қилишган.

Абу Ҳурайрадан шундай ҳадис келтирилади:

Пайғамбаримиз саллоллоҳу алайҳи васаллам марҳамат қиласдилар:

“Мунофиқнийг уч аломати бордир: **1.** Сўзлаганда ёлғон қўшади. **2.** Ваъдасида турмайди. **3.** Омонатга хиёнат қиласди”.

Бухорий ва Муслим ривоят қилишган.

Омонатга хиёнат деганда сирни фош қилиш, ўзига топширилган нарсани ё инкор этиш, ё эҳтиёт қилмаслик ёхуд рухсатсиз фойдаланиш йўли билан хиёнат қилиш тушунилади. Омонатни эҳтиёт қилиш **Муқаррабийн малакларининг** (поклиги ва ибодати билан авлиё даражасига юксалган буюк дўстлар фаришталарнинг) ва Пайғамбаримиз саллоллоҳу алайҳи васалламнинг сифати – **Тақво** эгаларининг мижозидир.

Аллоҳ буюради:

“Албатта, Аллоҳ сизларни омонатларни ўз эгаларига топширишга ва одамлар орасида ҳукм қилганингизда адолат билан ҳукм қилишга буюради. Албатта, Аллоҳ сизларга энг яхши панд-насиҳатлар қилур. Албатта, Аллоҳ эшитгувчи, кўргувчи бўлган зотдир” (Нисо сураси, 58-оят).

Муфассирлар дерларки:

- Бу оят бир неча **шаръий асосларни** ўз ичига олган. Идорачилар ва барча амалдорлар бу оятга қулоқ солишини талаб қиласылар. Бу түғри, аммо бу ҳол уларга мазлумларни құллаш ва уларнинг ҳақларини ҳимоя қилиш мажбуриятини юклайди; бу, улар учун бир омонатдир. Яна, мусулмон аҳолининг, айниқса, етимларнинг мол-мұлқини тажовузлардан асраш ҳам идорачиларга вожибдир. Олимларга эса авом табақага дин асосларини ўргатиш вожибдир. Авом табақага диний асосларни ўргатиш улар учун бир омонатдир. Бу омонатни күз қорачиғидай асраш олимлар зымасидаги мажбуриятдир. Болаларини гүзал ахлоқлы қилиб тарбиялаш ва улғайтириш оталар зымасидаги мажбуриятдир, чунки авлод ота-онаға берилған бир омонатдир. Бу омонатни сақлаб қолиш үнга гүзал тарбия бериш деганидир. Шунинг учун ҳам Расулуллох саллолоху алайҳи васаллам буюрадилар:

“Ҳаммангиз чўпонсиз, ҳаммангиз сурув учун жавобгарсиз!”

Захарур-риёз («Боғдаги захиралар»)да шундай ёзилғандир:

- Қиёмат куни бирорни Аллоҳ ҳузурига келтирдилар.

Аллоҳ сўрайди:

- “Фалончининг омонатини қайтариб бердингми?

- Йўқ, ё Рабб!

Бу жавобдан сўнг Аллоҳ бир фариштага: «Буни жаҳаннамга олиб боринг ва жаҳаннамнинг бир чуқурида олган омонатини айнан кўрсатинг», – деб амр этади. У, жаҳаннамда юқоридан пастга қараб етмиш йилда тушади. Сўнг бир чуқурга боради ва олган омонати билан юқорига чиқади. Энг устки табақага келганда оёғи тойиб кетади, яна чуқурга қайтиб тушади. Пайғамбаримиз саллолоху алайҳи васалламнинг шафоати натижасида Аллоҳнинг лутфига сазовор бўлади, яъни омонат эгаси омонатга хиёнат қилгандан рози бўлгунга қадар ўша юқорига чиқиш ва пастга тушишлар шу тариқа давом этаверади”.

Пайғамбаримиз саллолоху алайҳи васалламнинг саҳобаларидан бўлган Саламадан бир ривоят бор.

Салама дейдики:

- Бир кун Пайғамбаримиз саллоллоҳу алайҳи васалламнинг ёнида ўтирган эдик. Намоз ўқиладиган пайтда бир одамни жанозага олиб келишди. Расулуллоҳ саллоллоҳу алайҳи васаллам сўрадилар:

- Қарзи борми?

Дедилар:

- Йўқ!

Шунда унинг жаноза намозини ўқидилар. Сўнгра яна бир одамни жанозага олиб келишди. Расулуллоҳ саллоллоҳу алайҳи васаллам сўрадилар:

- Қарзи борми?

Дедилар:

- Ҳа!

Сўрадилар:

- Бирор нарсаси қолганми?

Дедилар:

- Уч дирҳам пули бор! Шунда жаноза намозини ўқидилар. Кейин учинчи бир маййитни жанозага олиб келишди. Аллоҳ Расули саллоллоҳу алайҳи васаллам яна сўрадилар:

- Қарзи борми?

Дедилар:

- Ҳа!

Расулуллоҳ саллоллоҳу алайҳи васаллам сўрадилар:

- Бирон нарсаси қолганми?

Дедилар:

- Йўқ!

Расули акрам буюрдилар:

- У ҳолда дўстингизнинг жанозасини сизлар ўқинглар!

Қатода ривоят қилади:

- Эй Аллоҳнинг Расули! Мен сабр қилиб, қочмасдан, душман қаршисида, Аллоҳ йўлида ўлдирилсам, Аллоҳ менинг гуноҳларимни афв этадими? Расулуллоҳ саллоллоҳу алайҳи васаллам айтдилар:

- Ҳа!

Сўнгра, у одам бурилиб кетаётганда орқасидан шундай деб қолдилар:

- Аллоҳ шаҳиднинг ҳамма гуноҳини афв этади, фақат қарзини афв этмайди.

Абу Ҳомид Ғаззолий

“Мукошафат-ул қулуб” китобидан